

IDEAS
PARA UNHA HOMILÍA CON NENOS
26 NOVEMBRO 2023

Ser cabrito ou ser ovella, do eu ao nós

1. VER: Festa de Cristo Rei

- O último domingo do tempo ordinario, antes de empezar o Advento, celebramos a festa de **Cristo Rei**. A Xesús dámoslle moitos títulos, lembrades algúns?

Que significa que Cristo é o noso Rei?

2. XULGAR: Cabrito ou ovella, do eu ao nós

- No evanxeo deste domingo, último do tempo ordinario, **Xesús dinos:**
- *"Vinde, herdade o reino preparado para vós. Porque tiven fame e déstesme para comer, fun forasteiro e hospedástesme, estiven espido e vestístesme, enfermo e visitástesme".*

QUE NOS QUERE DICIR XESÚS?

- Fano, no debuxo da portada proponnos un xogo: nos cornos do cabrito quere poñer EU..., a ver quen ve o que pon nas ovellas.
- Por que fará este xogo? Porque no evanxeo dísenos que ao final da nosa vida **poñerannos unha nota** de como vivimos: se fomos como os **cabritos** que non damos para comer ao

famento, nin acollemos o forasteiro, nin vestimos o que non tiña roupa, nin visitamos o que estaba só; ou se ao contrario parecémonos ás **ovellas** que tiveron sempre os ollos e o corazón abertos ás necesidades dos outros.

A clave da festa de Cristo Rei está no servizo e no compartir. Isto é o que viviu sempre Xesús: pendente do enfermo, do cego, do que non tiña que comer, do que sofre. El quere que os que pertencemos ao seu Reino vivamos así, para o NÓS, non para o EU.

- O amor será **o que nos diferenciará**, pero **o amor que damos desde hoxe mesmo**, sen esperar a mañá. Chama hoxe a ese amigo ao que non convidaches, perdoa xa ese compañeiro, visita xa esa persoa maior, reza hoxe por ti e polos teus...
- **Onde atopar a Deus hoxe?** Moi fácil: no ancián, no enfermo, no pobre... Preguntémonos a que ancián imos ver, a quen imos a...
 - **Segundo o debuxo, que implica ser nós?**
 - **Que nos pide Xesús?**

3. ACTUAR: Coidemos os detalles

- Podemos encontrar a Xesús moi cerca de nós. Onde?
- Coidade os detalles, facede o que necesitan hoxe, pois mañá xa pode ser demasiado tarde.

Que imos facer?

LECTURAS

EZEQUIEL 34, 11-12. 15-17: *A vós, meu rabaño, eu vou xulgar entre ovella e ovella.*

SALMO 22:

R/. O Señor é o meu pastor, nada me falta.

1ª CORINTIOS 15, 20-26. 28: Entregará o reino a Deus Pai, e así Deus será todo en todos.

MATEO 25, 31-46: *Sentará no trono da súa gloria e separará a uns de outros.*

Narrador: Naquel tempo, dixo Xesús aos seus discípulos:

Xesús: -«Cando veña na súa gloria o Fillo do home, e todos os anxos con el, sentará no trono da súa gloria e serán reunidas ante el todas as nacións. El separará a uns doutros, como un pastor separa as ovellas das cabras. E poñerá as ovellas á súa dereita e as cabras á súa esquerda. Entón dirá o rei aos da súa dereita:

Rei: -“*Vide vós, benditos do meu Pai; herdade o reino preparado para vós desde a creación do mundo. Porque tiven fame e déstesme para comer, tiven sede e déstesme de beber, fun forasteiro e hospedástesme, estiveren espido e vestístesme, enfermo e visitástesme, no cárcere e*

viñestes verme”.

Xesús: -Entón os xustos contestaranlle:

Xustos: -*“Señor, cando che vimos con fame e alimentámosche, ou con sede e démosche de beber?; cando che vimos forasteiro e hospedámosche, ou espido e vestímosche?; cando che vimos enfermo ou no cárcere e fomos verche?”.*

Xesús: -E o rei diralles:

Rei: - *“Con toda verdade vos digo :que cada vez que o fixestes cun destes, os meus irmáns máis pequenos, comigo fixéstelo”.*

Xesús: -Entón dirá aos da súa esquerda:

Rei: - *“Apartádevos de min, malditos, ide ao lume eterno preparado para o diaño e os seus anxos. Porque tiven fame e non me destes para comer, tiven sede e non me destes de beber, fun forasteiro e non me hospedastes, estiven espido e non me vestistes, enfermo e no cárcere e non me visitastes”.*

Xesús: -Entón tamén estes contestarán:

Inxustos: -*“Señor, cando che vimos con fame ou con sede, ou forasteiro ou espido, ou enfermo ou no cárcere, e non che asistimos?”.*

Xesús: -El lles replicará:

Rei: - *“Con toda verdade vos digo: o que non fixestes cun destes, os máis pequenos, tampouco o fixestes comigo”.*

Xesús: -E estes irán ao castigo eterno e os xustos á vida eterna».

Palabra do Señor.

(Narrador- Xesús – Rei – Xustos - Inxustos).